

**Tadqiqotchi Raximov Minhojiddin Muhammadg'olib o'g'lining
"O'zbekistonda iqtidorli bolalar ijodkorligini rivojlantirishning boshqarish
texnologiyasi" mavzusidagi 13.00.01-Pedagogika nazariyasi Pedagogik
ta'limotlar tarixi pedagogika fanlari ixtisosligidan pedagogika fanlari
bo'yicha falsafa doktori (PhD)ilmiy darajasini olish uchun yozilgan
dissertatsiya avtoreferatiga opponent**

TAQRIZI

Xalqaro tashkilotlar va rivojlangan davlatlar didaktika va o'qitish faoliyatni rivojlantirish, ijodiy ta'lim muassasalari faoliyatini boshqarishda, samarali kompetensiyali yondashuvni faollashtirishga alohida ahamiyat qaratib kelmoqda. YUNESKO tomonidan 2030-yilgacha belgilangan xalqaro ta'lim konsepsiyasida "Sifatli ta'lim ijodiy tafakkurni va bilimni rag'batlantiradi, savodxonlik va hisob malakalari asoslarini, shuningdek, tahlil qilish, muammolarni hal qilish, fikrlash hamda boshqa shaxslararo va ijtimoiy munosabat ko'nikmalarini yuqori darajada egallash"¹ga alohida e'tibor berilmoqda. Xalqaro miqyosda ta'limining sifatini oshirish, ijodiy fikrlash, tanqidiy tafakkur, o'zini-o'zi baholash, o'quvchilarning ijodiy faoliyatini rivojlantirishga, ayniqsa mamlakatimizda 2019 -yildan boshlab faoliyat olib borayotgan ijod va ixtisoslashgan maktablarda iqtidorli o'quvchilar tarbiyasi va ijodkorligini rivojlantirish texnologiyasiga alohida e'tibor berilmoqda.

Bugun ta'limida o'qitish modellarini texnologik taraqqiyot g'oyalari bilan uyg'un holda kashf qilish, ta'lim sifati nazariyasi va metodologiyasining yetakchi g'oyalarini tatbiq etish orqali uzviylik, uzluksizlik va izchillik tamoyillariga asoslangan qator ilmiy izlanishlar olib borilmoqda. Bu jarayonda o'quvchilarning ijodiy faoliyatini rivojlantirish tamoyillariga yangicha yondashuvlar, ilmiy-pedagogik innovatsiyalar, o'qitishning "STEAM – ta'lim" dasturi asosida o'quvchilarda ilmiy dunyoqarashni rivojlantirishning individuallashtirilgan o'qitish texnologiyalarini ishlab chiqishga yo'naltirilgan, PISA, TIMSS, PIRLS kabi xalqaro baholash dasturlari talablariga muvofiq ta'lim jarayonida tamomila o'zgacha nazariy bilimlarning amaliyot bilan uyg'unligi hamda hayotiyligini ta'minlash masalalari muhim ahamiyat kasb etibgina qolmasdan, asosiyligi jihatidan ham o'z isbotini topdi. Ta'lim muassasalari tizimida o'quvchilarning ijodiy faolligi muammolarining yechim yo'llarini topish, o'quvchilarning ijodiy faoliyatini tashkil etish, ta'lim tizimini samarali boshqarish maktab yoshidan o'quvchilar shaxsini rivojlantirish, ularning qobiliyati, axloqiy va estetik hissiyotlarini milliy qadriyatlar asosida tarbiyalash, o'qishga qiziqishi, xohish va istagini, o'zi va o'z atrofini o'rab olgan

olamga hissiy munosabatni, ruhiy dunyosini rivojlantirishga qaratilgan o'quv tuzilmalarini ishlab chiqishdan iborat. Ijodkor o'quvchining intellektual qobiliyatini ro'yobga chiqarishga, uning ichki imkoniyatlaridan oqilona foydalanishga ko'maklashuvchi iqtidorli o'quvchilar tarbiyasi va ijodkorligini rivojlantirish hamda ularga maqsadli ta'lim berish texnologiyasiga alohida e'tibor qaratish, shuningdek, tizim faoliyatini takomillashtirish maqsadida pedagogik texnologiyalarga qaratilgan ilmiy tadqiqotlarni amalga oshirish dolzarb masalaga aylanganligi sababli mazkur ilmiy tadqiqot **"O'zbekistonda iqtidorli bolalar ijodkorligini rivojlantirishning boshqarish texnologiyasi"** deb nom oldi. Hozirgi davr ta'limning ijodiy faoliyatga yo'naltirilgan konseptual ilmiy izlanishlari ijodkor o'quvchilarda iste'dodning yorqinlashuvi, ixtirochilikka qiziqishi bu borada umuminsoniy qadriyatlarga asoslangan ertak, hikoya, qo'shiq, musiqaning obrazli mazmunini tezda idrok etishi, ijodiy imkoniyatlarini nazarda tutgan tadqiqotlar milliy ta'lim tizimi uchun juda katta ehtiyojga aylandi. Tadqiqotchi Raximov Minhojiddin Muhammadg'olib o'g'lining **"O'zbekistonda iqtidorli bolalar ijodkorligini rivojlantirishning boshqarish texnologiyasi"** mavzusidagi 13.00.01-Pedagogika nazariyasi Pedagogik ta'limotlar tarixi pedagogika fanlar) ixtisosligidan pedagogika fanlari bo'yicha falsafa doktori (PhD)ilmiy darajasini olish uchun yozilgan dissertatsiyasi aynan shu masalalarni yorishga xizmat qiladi.

Tadqiqotning maqsadi O'zbekistonda iqtidorli bolalar ijodkorligini rivojlantirishning boshqarish texnologiyasi takomillashtirish bo'yicha taklif va tavsiyalar ishlab chiqishdan iborat. deb olingan va quyidagi vazifalar belgilangan.

talabalarni iqtisodiy fanlar negizida kasbiy madaniyatiga oid nazariy bilimlarini ekstensiv rivojlanishi, iqtisodiy bilimlarni o'zgartirish g'oyalaridan, jamiyat uchun maqbul bo'lgan pedagogik imkoniyatlari tahlil etish va ijtimoiy zaruriyat ekanligini ilmiy asoslash;

iqtidorli bolalar ijodkorligini rivojlantirishning boshqarish texnologiyasi orqali ta'lim sifatini oshirishning pedagogik komponentlarini aniqlashtirish;

iqtidorli bolalar ijodkorligini rivojlantirish orqali pedagogik ta'limining innovatsion modelini ishlab chiqish;

iqtidorli bolalar ijodkorligini rivojlantirishning boshqarish texnologiyasi orqali fan, ta'lim va ishlab chiqarishda integratsion ta'lim sifatini ta'minlashning ilmiy-pedagogik muammo sifatidagi nazariy asoslarini takomillashtirish;

iqtidorli bolalar ijodkorligini rivojlantirish texnologiyasi asosida ilmiy-nazariy, metodologiya va tavsiyalar ishlab chiqish.

Vazifalardan kelib chiqib tegishli yangiliklar belgilab olingan.

Tadqiqot mavzusi bo'yicha jami 15 nomdagi ilmiy ish, jumladan, 1 ta o'quv qo'llanma, O'zbekiston Respublikasi Oliy ta'lim, fan va innovatsiyalar vazirligi huzuridagi Oliy attestatsiya komissiyasining doktorlik dissertatsiyalari asosiy ilmiy

natijalarini chop etish uchun tavsiya etilgan ilmiy nashrlarda jami 6 ta ilmiy maqola, jumladan, 3 tasi respublika va 5 tasi xorijiy jurnallarda chop etilgan. Dissertatsiyaning **Kirish** qismida muammoning dolzarbligi va zaruriyati asoslangan, tadqiqot ishining maqsadi, vazifalari, ob'ekti va predmeti tavsiflangan, respublika fan va texnologiyalari rivojlanishining muhim yo'nalishlariga mosligi ko'rsatilgan hamda tadqiqotning ilmiy yangiligi, amaliy natijalari bayon qilingan, olingan natijalarining ishonchliligi, ilmiy va amaliy ahamiyati ochib berilgan, tadqiqot bo'yicha o'tkazilgan tajriba-sinov ishlarining bayoni va uni amaliyotga joriy qilish natijalari, nashr etilgan ishlar va dissertatsiya tuzilishi bo'yicha ma'lumotlar keltirilgan.

Dissertatsiyaning **“O'zbekistonda iqtidorli bolalar ijodkorligini rivojlantirishning boshqarish texnologiyasi va uning ilmiy nazariy asoslari”** deb nomlangan birinchi bobida ilmiy adabiyotlarni tahlil qilish asosida ko'rib chiqilgan muammoning asosiy jihatlari, O'zbekiston maktablarida o'quvchilarning ijodiy faoliyatini rivojlantirish - pedagogik muammo sifatida, shaxsning qobiliyat va iqtidorini rivojlantirish haqidagi sharq allomalarininig qarashlari shuningdek, iqtidorli o'quvchilar tarbiyasi va ijodkorligini rivojlantirishning pedagogik – psixologik xususiyatlari xususan, ta'lim sifatiga olimlar tomonidan berilgan sharhlar, ta'lim sifatining pedagogik komponentlari hamda uni ta'minlashning samarali omil va innovatsion yondashuvlari ochib berilgan.

Maktablarda o'quvchilarning ijodiy faoliyatini rivojlantirish va boshqarish uning samarali ta'lim faoliyatini belgilab beruvchi ilmiy tasavvurlari evristik ta'limning pedagogik asosi asoslandi. Maktab o'quvchilaridagi bilish jarayoni ijodkorlik natijasida yuz berdi. Izlanishlar jarayonida ijodkorlik faoliyati namoyon bo'lishi uchun aniq maqsadga yo'naltirilgan, rejalashtirilgan, me'yorlarga ega bo'lgan, o'z-o'zini anglagan faoliyat zaruriyati sezildi. Bu esa maktab o'quvchilarida atrof-olam ob'ektlari va ular haqidagi bilimlarni o'zlashtirish; ta'lim samaradorligini vujudga keltirish, faoliyatning avvalgi turlariga tayanishni taqozo etdi. O'quvchi shaxsini rivojlantirishga yo'naltirilgan ta'lim jarayonida uning aqliy-intellektual, ijodiy xususiyatlari namoyon bo'ldi. Tadqiqotimiz jarayonida maktablarda o'quvchilarning ijodiy faoliyatini rivojlantirish va boshqarish ilmiy pedagogik muammosi o'quvchilarning ijodiy faoliyatini dolzarblik muammosida - bilimlarni, empirik qarashlarni “ta'lim”, “ijodiy faoliyat”, “iqtidor” kabi kategoriyalar vositasida bayon qilish “mohiyatdan voqelikka”, “voqelikdan mohiyatga” o'tishni taqozo qildi.

Tadqiqotchi tomonidan maktablarda o'quvchilarning ijodiy faoliyatini rivojlantirish va boshqarish ilmiy-pedagogik muammosi o'quvchilarning ijodiy faoliyatini dolzarblik muammosida - bilimlarni, empirik qarashlarni “ta'lim”,

“ijodiy faoliyat”, “iqtidor” kabi kategoriyalar vositasida bayon qilish “mohiyatdan voqelikka”, “voqelikdan mohiyatga” o’tishni taqozo qildi.

Bobda “O‘zbekiston maktablarida o‘quvchilarning ijodiy faoliyatini shakllantirish va boshqarish-pedagogik muammo sifatida”, “Shaxsning qobiliyat va iqtidorini rivojlantirish haqida sharq allomalarining qarashlari” va “Iqtidorli bolaar ijodkorligini rivojlantirish va boshqarishning holati, mohiyati hamda ahamiyati” kabi fasllarda olib borilgan tahlillar natijasiga ko‘ra, bugungi kun talablaridan kelib chiqqan holda “ta’lim sifati” tushunchasiga quyidagicha *mualliflik yondashuvi* asosida ta’rif berilgan: ta’lim sifati ta’lim samaradorligini oshirishda ishtirokchilar kasbiy va shaxsiy kompetentligining uzviylikda, uzluksizlikda shakllanishi, izchillikda rivojlanishi asosidagi yakuniy natijalarning xalqaro va milliy baholash dasturlariga muvofiqligini tavsiflaydigan ijtimoiy tushuncha. Ta’lim muassasasining ta’limiy va tarbiyaviy faoliyatini iste’molchi talablariga muvofiq keng qamrovli mezon va ko‘rsatkichlar orqali baholash, bu ko‘rsatkichlarni ta’lim beruvchilar va ta’lim oluvchilar kompetensiyalarini ta’minlaydigan mazmun, shakl, usullar bilan zamonaviylashtirish, hamkorlikdagi tamoyillar asosida uslubiy, moddiy-texnik ta’minotni takomillashtirish ta’lim sifatini ta’minlashning eng muhim sharti sanaladi, degan xulosaga kelingan. Shuningdek bobda shaxsning qobiliyat va iqtidorini rivojlantirish haqida sharq allomalarining qarashlari aloxida paragrfa berib o‘ilgan. Xususan, Al-Xorazmiy, Abu Nasr Forobiy, Ibn Sinon kabi sharq allomalarimizning bilim orqali yerishiladigan natijalari haqidagi ta’limoti o‘qish nazariyasida alohida o‘rin yegallaydi.

Birinchi bob bo‘yicha xulosa, texnika yo‘nalishi talabalarni iqtisodiy fanlar negizida kasbiy madaniyatining metodik tizimini takomillashtirish – kasbiy munosabatlar tizimiga talabaning kirish jarayonidir. (Dis. 34 beti)

Dissertatsiyaning ikkinchi bobi **“O‘zbekistonda iqtidorli bolalar ijodkorligini rivojlantirish va boshqarish texnologiyasining pedagogik shart - sharoitlari”** deb nomlangan bo‘lib, mazkur bobda “Ixtisoslashgan maktablarda iqtidorli bolalar ijodkorligini rivojlantirishning boshqarish mexanizmida Milliy ta’lim tashabbusi”, “Ta’limda iqtidorli o‘quvchilar ijodkorligini rivojlantirishning boshqarish texnologiyasiga integratsion va kreativ yondashuvlar” hamda “Ta’limiy o‘yinlar, interfaol dars vositasida o‘quvchilarning ijodiy faoliyatini shakllantirish va boshqarish” kabi tushunchalar mazmunan yoritilgan. Ushbu bobda ta’limda integratsiya sharoitida o‘quvchilar tarbiyasi va ijodkorligini ta’minlashning turli model va shakllari tavsiya qilinadi.

Ta’limda iqtidorli o‘quvchilar tarbiyasi va ijodkorligini rivojlantirish texnologiyasiga integratsion va kreativ yondashuvlar uslubini joriy qilish, shu yo‘nalishdagi tadqiqotlarni tahlil qilish, ta’lim samaradorligini oshirish jarayonida o‘qituvchi va o‘quvchi faoliyatining psixologik-pedagogik va texnologik jihatlarini

yoritish, ta'lim oluvchilarda ijodiy va kreativ ko'nikmalarni rivojlantirish mexanizmlarini ishlab chiqish, o'qitish jarayonida fanlararo, mavzulararo integratsiyaning zamonaviy usul, shakl va vositalaridan foydalanish muammosining nazariy jihatlariga asoslanadi.

O'qituvchi va o'quvchi faoliyatining psixologik-pedagogik va texnologik jihatlarini yoritish, ta'lim oluvchilarda ijodiy va kreativ ko'nikmalarni rivojlantirish mexanizmlarini ishlab chiqish, o'qitish jarayonida fanlararo, mavzulararo integratsiyaning zamonaviy usul, shakl va vositalaridan foydalanish muammosining nazariy jihatlariga asoslanadi.

Ilmiy tadqiqotda masalaning bunday qo'yilishi ta'lim-tarbiya maqsadlari, mazmuni, uslublari, boshqaruv texnologiyasi, shart-sharoitlari, shuningdek shakl va didaktik vositalarini aniqlashda hal qiluvchi mezon. Bunday yondashuv ta'lim jarayonini tashkil qilishda va boshqarishda o'qituvchi va o'quvchilar munosabatlarining o'zgarishiga, o'quvchilarning faolligi ortib va shaxsiy mustaqilligining kuchayishiga, ta'lim jarayonining takomillashib borishini ta'minlaydi. Bunda ijodkor o'quvchi ta'lim-tarbiya ob'ekti sifatida bir vaqtning o'zida o'z-o'zini kashf etishning sub'ekti ham bo'lib maydonga chiqadi.

Bobda Pedagogik ta'limning innovatsion modelitakomillashtirilgan bo'lib, modelning muhim asosiy tarkibiy komponenti bu tashkiliy-jarayon hisoblanib, u o'zida o'quvchilarni ma'naviy-ilmiy dunyoqarashni rivojlantirish uchun turli xil metod, vosita va shakllardan foydalanishni talab etadi. (Diss. 110-bet)

Ta'lim tizimi modernizatsiyasida integratsiyalash innovatsion paradigma hisoblanib, ta'lim turlarining o'zaro ajralmas hamkorlik munosabatlari doirasida ijodiy, raqobatbardosh shaxsni shakllantirish mumkinligi asoslab o'tilgan. Ta'limda integratsiyalashuv jarayonlarini tadqiq qilish natijasida bir-birini qo'llab-quvvatlash bilan birga farqli jihatlar ham mavjudligi aniqlangan. Integratsiya tendensiyasida ta'lim samaradorligini oshirish zamonaviy ta'lim tizimlarini rivojlantirishning tamoyili va omili hisoblanadi. Fanlararo, mavzulararo, kurs va bo'limlararo integratsiyani sog'lom muhit, o'zaro hurmat va ijodiy hamkorlik mavjud bo'lgan pedagogik jamoada amalga oshirilishi ta'lim-tarbiya integratsiyasi modulida berilgan.

Ixtisoslashgan maktab muhitida innovatsion jarayonlarni ta'lim tizimiga faol tatbiq etish muhiti va axborot ta'minotini yaratish, pedagogik-kasbiy faoliyat kompetensiyalarini takomillashtirish hamda uni qo'llab-quvvatlashni nazarda tutadi. Bunda ta'lim samaradorligini oshirish va iqtidorni rivojlantirishda asosiy kuch bo'lgan pedagog kompetensiyalari oliy ta'lim bilan hamkorlikda "ijod maktabi - ijodiy laboratoriya" faoliyatidagi ilmiy-uslubiy, ilmiy-tadqiqot, axborot-tahliliy va tajriba-innovatsion yo'nalishlar bo'yicha takomillashtirilgan. Ta'limiy o'yin texnologiyalari tadbiqi aks ettiruvchi faoliyatni shakllantirishda o'quvchining

kreativ fikrlashi, kognitiv faoliyati va egotsentrik nuqtai nazarini yengib o'tishi, olamni va borliqni anglashi shu muqobillikka asoslangan o'quvchilar iqtidorini rivojlantirish metodikasi takomillashtirilgan. Barcha fan-predmetlar doirasida "Nima uchun?", «Baliq skeleti», «Kaskad», «Qanday?» kabi interfaol-innovasion metodlardan foydalanilgan.(Di. 103) bet

Dissertatsiyaning **"Iqtidorli o'quvchilar ijodkorligini rivojlantirish va boshqarishga oid tajriba-sinov ishlari mazmuni va samaradorligi"** nomli uchinchi bobida tadqiqot ishida ishlab chiqilgan modellar, loyihalar, mexanizmlardagi metodik tizimni baholash uchun tajriba-sinov ishini tashkil etish va uni o'tkazish, olingan natijalarni matematik-statistik tahlil qilish vazifasi qo'yilgan. Bunda **"Iqtidorli o'quvchilar ijodkorligini rivojlantirish va boshqarishning tajriba-sinov bosqichlari"** va **"Tajriba-sinov ishlari natijalari va samardorligi tahlili"** kabi fasllarda tahlil qilingan.

Ixtisoslashgan maktablarda sifatli ta'limni o'quv muassasalarida yangicha yondashuvlar asosida ta'lim samaradorligini oshirish mazmuni va tahlili bayon etilgan. Tajriba-sinov ishlarini olib borish uchun Erkin Vohidov nomidagi ijod maktabi, Halima Xudoyberdieva nomidagi ijod maktabi, Toshkent viloyati Zangiota ixtisoslashgan maktablarning har biridan 2 tadan: 7- "A", "B", 8- "A", "B", 9 - "A", "B" sinflari belgilandi. Jami 432 nafar o'quvchilar ishtirok etishi belgilandi.

Mazkur ta'lim muassasalari bazasida sinov -tajriba ishlari o'tkazilgan bo'lib, quyidagi bosqichlarda amalga oshirildi: asoslovchi (2019-2020 o'quv yili), shakllantiruvchi (2021-2022 o'quv yili), umumlashtiruvchi (2022-2023 o'quv yili). Tajriba-sinov ishlariga 432 nafar o'quvchi jalb etildi.

Ushbu mavzu bo'yicha olib borilgan ish o'zining ilmiy yangiligi, amaliy ahamiyati va dolzarbligi bilan e'tiborga loyiqdir. Taqdim etilgan metodik tavsiyalar oliy ta'lim muassasalarida, ayniqsa, texnik yo'nalishlarda tahsil olayotgan talabalarni kasbiy faoliyatga samarali tayyorlashda muhim o'rin tutadi. Bundan tashqari, ishda talabalarni iqtisodiy fanlar negizida kasbiy madaniyatining metodik tizimini takomillashtirishning o'rni va ularni qo'llash mexanizmlari aniq va asoslangan holda bayon etilgan. Xususan, loyiha asosida o'qitish, muammo asosida o'rganish, axborot-kommunikatsion texnologiyalardan samarali foydalanish, amaliyot bilan integratsiyalashgan o'quv mashg'ulotlarini tashkil etish kabi metodik yondashuvlarning kiritilishi mazkur tadqiqotning zamonaviyligini oshiradi.

Shuningdek, muallif tomonidan o'tkazilgan **tajriba-sinov ishlari**, uning natijalari, statistik tahlil va natijalarning tahliliy talqini ishning ilmiy ishonchliligini ta'minlaydi. Bu esa tadqiqotga bo'lgan ishonchni oshirib, uning amaliyotga joriy etish imkoniyatlarini kengaytiradi. Ishda keltirilgan xulosalar va amaliy tavsiyalar yuqori ilmiy-nazariy va uslubiy asosga ega bo'lib, texnik oliy ta'lim muassasalarining o'quv jarayoniga bimalol joriy etilishi mumkin.

Umuman olganda, dissertatsiya ilmiy uslubda yozilgan bo'lib, har bir bob yakunida tegishli xulosalar tadqim etilgan. Foydalanilgan adabiyotlar ro'yxati mavzuga oid normativ-huquqiy hujjatlar va metodologik ahamiyatga molik nashrlar, maqola va ilmiy to'plamlar hamda boshqa adabiyotlar asosida shakllantirilgan. Olingan natijalar ishonchli va ilmiy jihatdan asoslangan. Tadqiqotda yutuqlar bilan bir qatorda ayrim mulohazali holatlar ham kuzatiladi:

1. Tadqiqot ishining 1.2.-paragraflarida mahalliy olimlarning tadqiqotlari bilan birga xorijiy olimlarning xam tadqiqotlarini berib qiyosiy qilinganda ishning qiymati yanada ortgan bo'lar edi.

2. xorijiy tajribalar taxlili va ulardan foydalanish imkoniyatlari ochib berilsa ishning nazariy va amaliy ahamiyatini yanada ortgan bo'lardi.

3. Foydalanilgan adabiyotlar ro'yxatida 165 nomda adabiyotlar i ro'yxati keltirilgan. Foydalanilgan adabiyotlar ro'yxatiga zamonaviy adabiyotlar bilan boyitish maqsadga muvofiq bo'lar edi.

Ko'rsatilgan kamchilik va mulohazali fikrlar dissertatsiyaning asosiy nazariy va amaliy natijalariga jiddiy ta'sir ko'rsatmaydi.

Yuqoridagi fikrlarga asoslanib, mazkur dissertatsiya ishi yuzasidan quyidagicha xulosa qilish mumkin:

Dissertant Raximov Minhojiddin Muhammadg'olib o'g'lining "O'zbekistonda iqtidorli bolalar ijodkorligini rivojlantirishning boshqarish texnologiyasi" mavzusidagi pedagogika fanlari bo'yicha falsafa doktori (PhD) ilmiy darajasini olish uchun yozilgan dissertatsiya ishi va avtorferati 13.00.01 Pedagogika nazariyasi. Pedagogik ta'limotlar tarixi ixtisosligiga mos keladi.

Tadqiqotchi Raximov Minhojiddin Muhammadg'olib o'g'lining "O'zbekistonda iqtidorli bolalar ijodkorligini rivojlantirishning boshqarish texnologiyasi" mavzusidagi bo'yicha falsafa doktori (PhD) ilmiy darajasini olish uchun yozilgan dissertatsiyasi oliy ta'lim, fan va innovatsiy alar vazirligi huzuridagi oliy Attestatsiya Kommissiyasi talablariga to'liq javob beradi.

Mazkur dissertatsiya ishining muallifi Raximov Minhojiddin Muhammadg'olib o'g'lining 13.00.01 – Pedagogika nazariyasi. Pedagogik ta'limotlar tarixi ixtisosligidan pedagogika fanlari bo'yicha falsafa doktori (PhD) ilmiy darajasini olishga loyiq deb hisoblavman.

Taqrizchi:

Namangan davlat universiteti
professori, p.f.d., (DSc)



O'. M. Asqarova